




اکھ

انسانی جسم ما اکھ خدا تعالیٰ کی نعمت ایں۔ اکھاں سنگ ہی ہم دُنیا کا نظارے ناں دیکھ سکاں۔ انسانی چہرہ اُپر اکھ خاصی خوبصورت ہونیں۔ اکھاں کا کنیں ناں ہونیں۔ کٹوری، بادامی، شرتقی، سرمیائی، نشیلی، بلوری، گلابی، خونی، جنونی، جادوئی، کیسری وغیرہ اکھ۔

یہ رنگا رنگ اکھ دل نا موہ لیں۔ اکھ کالجو کڈھن آلی ہونیں۔ اکھ خاموش، طوفانی، عیارتے شرارتی وی ہونیں۔ فتنو پیدا کرن آلیں وی ہونیں ہور دلاں نا جوڑن آلی وی ہونیں۔ بے شرم تے بے حیا وی اکھ ہونیں۔ مھاری اکھ پاک تے صاف حیا آلی ہونی چاہیے۔ کلام الہی ماہے جے ”کیا ہم نے انسان نا دوا اکھ نہیں بخشیں“ ایک آدمی جیہڑا اٹو ہوئے جس کی اکھ نہیں ہوتیں، اُس اکھ آلاتیں صد ہزار درجہ بہتر اے جس کی اکھ تے ہیں ورنیک بین نہیں۔ حقیقت وی یاہ ہی اے جس کی اکھ کو پانی سُک گیو یعنی بے حیا ہو گیو واہ اکھ بے قیمت اے۔ ویہہ اکھ جیہڑی مندوراہ دسیں بہتر اے دوئے اکھ نہ ہی وھیں۔

اکھ زبان نہ ہون کے باوجود اشاراں ہی اشاراں ماسب کچھ کہہ جیں۔ عام آدمی سمجھتو نہیں ور عقل آلا سب کچھ پا جیں۔ ایک قسم قہر آلی اکھاں کی وھے۔ جس کو ذکر کلام الہی ماہے کہ ”جد اُن شریف لوکاں خصلت گزریں تے اکھ ماریں“ یوہ اکھ مارنوتے دوجاں کی طرف اشارو کرنو ایک مندوتے کمینہ خصلت کو کم ہے۔



اکھاں اکھاں مانگجھ طے کرلینو فیصلو کرلینو، چنگو پروگرام بنا لینو تے ٹھیک ہے وربر انصوبا بنانو مچ ہی مندو عمل ہے۔ اکھ دل کی گل کریں۔ دل کی چنگی مندی گلاں نامحسوس کر کے اظہار کریں۔ نیویں نظر حیا کی علامت، اچی نظر دعا کی تے ٹیڑھی ترچھی نظر ادا کی علامت ہوئے۔

اکھ یا لانو اکھ لگنو یوہ اک محاورو ہے۔ جس کو مطلب ہے ”سو جانو، بد نظر کو لگنو، کسے پر فدا ہو جانو، نیند کو آنو“ جد نیند آئے تے اکھ بند ہو جیں۔ جد نیند آئے تے اکھ چھٹ گھڑی سکون حاصل کر کے آئندہ کم واسطے تازہ دم ہو جیں۔ ایک صحت مند انسان جد سوئے تے ست منٹ کے اندر اندر اس پر نیند کو غلبو آ جائے۔ نیند وی موت ہاروں علان کر کے ڈھول مار کے نہیں آتی۔ جد نیند آئے تے طاقت و انسان کی اکھاں نابند کر لئے۔

مٹھی نیند خدا کی بخشی وی ایک عظیم نعمت ہے۔ اگر کسے نیند نہ آئے تے زندگی اس واسطے وبال جان بن جائے۔ جن کی رات اکھ بند ہوتیں مطلب نیند نہیں آتی وے ترف ترف کے رات گزاریں۔ کئی لوک بے وقت وی سوئیں۔ بے وقت کی نیند بڑی نحوست آلی و ہے۔ ہر رات کا پچھلا پہر ما خداں کی طرف سے اک دولت بندے جے۔ جیہڑو سوئے وہ کھودے جیہڑو جاگے وہ پاو لے۔ رات کا کج حصہ ما اکھ بند کر کے سونو صحت واسطے ضروری اے، قیلوے سونو چنگو نہیں ہوتو۔

اللہ تعالیٰ نامنان کو سب کولوں بڑو ہتھیا را کھ ہیں۔ اللہ پاک غمزدہ اکھاں نامحبت تے قبولیت کی نظراں سنگ دیکھے۔ جیہڑی اللہ کا خوف سنگ بگن لگیں۔

پر ہوتے سمجھو:

عیار	:	عیاری یعنی بد معاشی آلو
محفوظ	:	لطف لینو، تکنو
حیا	:	شرم
صد ہزار	:	سو ہزار
بدترین	:	سب کولوں مندو
موہ	:	محبت
وبال جان	:	جان کو عذاب

ہن تم انہاں سوالاں کا جواب دیو:

- ۱۔ انسانی جسم ما اکھ گو کے کم ہے؟
- ۲۔ کلام الہی ما اکھ کا بار اکھو گیو ہے؟
- ۳۔ اکھ کتنا قسم کی وی ہیں؟
- ۴۔ صحت مند آدمی نا کتنی دیر ما نیند آجے؟
- ۵۔ ”اکھ بند ہو جان کو کے مطلب وھے؟“

خالی جگہاں نامناسب لفظاں سنگ بھرو:

- انسانی جسم ما اکھ خدا تعالیٰ کی..... ایں۔ اکھاں نال ہی ہم دُنیا کا نظاراں تیں محفوظ ہواں۔ (رحمت، نعمت، عزت)
- بے شرم تے بے حیاء وی اکھ ہوئیں۔ مھاری اکھ..... تے حیا آلی ہونی چاہیے۔ (چنگی، سونہی، پاک و صاف)
- اکھ قوتِ گویائی تیں..... ہون کے باوجود اشاراں ہی اشاراں ماسب کجھ کہہ جیں۔ (مجبور، معذور، محروم)
- اکھ دل کی..... کریں۔ دل کی چنگی مندی گلاں نامحسوس کر کے اظہار کریں۔ (ترجمانی، حیرانی، پریشانی)
- مٹھی تے گہری..... واقعی خدا کی بخشی وی ایک عظیم نعمت ہے۔ (پہکھ، نیند، ترے)
- اللہ پاک غمزدہ اکھاں نا..... تے قبولیت کی نظاراں نال دیکھے۔ (قبولیت، محبت، لیاقت)

جملہاں ما استعمال کرو:

